

**III. «2015 ԹՎԱԿԱՆԻ ՊԵՏԱԿԱՆ ՎԻՃԱԿԱԳՐԱԿԱՆ ԱՇԽԱՏԱՆՔՆԵՐԻ ԾՐԱԳՐԻ»
ԿԱՏԱՐՄԱՆ ԱՊԱՀՈՎՄԱՆ ԳԾՈՎ ՈՐՈՇ
ՀԻՄՆԱՐԱՐ ՄԻՋՈՑԱՌՈՒՄՆԵՐԻ ՎԵՐԾԱՆՈՒՄ**

1. Վիճակագրությանը վերաբերող իրավական դաշտի բարելավում

«Պետական վիճակագրության մասին» ՀՀ օրենքի դրույթներին համապատասխան 2015թ. ընթացքում շարունակվել է վիճակագրությանը վերաբերող իրավական դաշտի բարելավմանն ուղղված աշխատանքների իրականացումը:

Այդ նպատակով ՀՀ ՎՊԽ կողմից ընդունվել են թվով 28 նորմատիվ որոշումներ, որոնք սահմանված կարգով գրանցվել են ՀՀ արդարադատության նախարարությունում և հրապարակվել:

Ընդունված նորմատիվ որոշումներով հաստատվել են վիճակագրական դիտարկման փաստաթղթեր, փոփոխություններ են կատարվել գործող վիճակագրական փաստաթղթերում, ուժը կորցրած են ճանաչվել արդիականությունը կորցրած վիճակագրական փաստաթղթեր, ինչպես նաև կարգավորվել են վիճակագրական բնագավառի մի շարք այլ հարցեր:

2015թ.-ի դեկտեմբերի 15-ին ՀՀ Ազգային ժողովի կողմից ընդունվել է «2016-2018 թվականների պետական վիճակագրական աշխատանքների ծրագիրը հաստատելու մասին» ՀՕ-177-Ն օրենքը, որը հրապարակվել է ՀՀ պաշտոնական տեղեկագրում (ՀՀ ՊՏ 2015.12.30/91(1180)) :

2. Տարածքային (ռեգիոնալ) վիճակագրության զարգացում

Շարունակվել է ՀՀ ԱՎԾ աշխատակազմի առանձնացված ստորաբաժանումների մեթոդաբանական կարողությունների ամրապնդման գործընթացը: Տարածքային (ռեգիոնալ) վիճակագրության արդյունավետության բարձրացման, վիճակագրության վարման միջազգային չափանիշներին իրազեկ լինելու նպատակով, վերոհիշյալ ստորաբաժանումների համար կազմակերպվել են հանդիպումներ և քննարկումներ:

Շարունակվել են ՀՀ մարզերի կտրվածքով վիճակագրական ցուցանիշների բազաների ձևավորման աշխատանքներ:

ՀՀ ԱՎԾ պաշտոնական կայքէջի «Տարածքային վիճակագրություն» բաժնի «Հայաստան» ենթաբաժնում քարտեզային և աղյուսակային պատկերամբ զետեղվել է ՀՀ մարզերի և ք. Երևանի 2010-2014թթ. վերաբերյալ եռալեզու (հայերեն, անգլերեն և ռուսերեն) վիճակագրական ամփոփ տեղեկատվություն, իսկ «Հրապարակումներ» բաժնում՝ «Հայաստանի Հանրապետության մարզերը և Երևան քաղաքը թվերով, 2015» երկլեզու (հայերեն և անգլերեն) վիճակագրական ժողովածուն, ինչպես նաև 11 էլեկտրոնային հրապարակումներ՝ ՀՀ յուրաքանչյուր մարզի և Երևան քաղաքի վերաբերյալ:

3. Մեթատվյալներ

ԱՄՀ վիճակագրական վարչությունը տարբեր երկրների վիճակագրական տեղեկատվության որակի, թափանցիկության, տվյալների համադրելիության ապա-

հովման, միջազգային հանրությանը դրանց օգտագործման ավելի լայն հնարավորությունների ընձեռնման, կիրառվող մեթոդաբանության և դրա հետագա զարգացման ծրագրերին տեղեկացնելու նպատակով, հիմնել է SSCՀ (1997թ. դեկտեմբեր) և SSՀՄ (1996թ. մարտ): Թվարկվածներից SSCՀ-ին Հայաստանի Հանրապետությունն անդամագրվել է դեռևս 2001թ. մարտի 29-ին:

ՀՀ ԱՎԾ, ՀՀ ֆինանսների նախարարության ու ՀՀ ԿԲ մասնագետների կողմից իրականացված համատեղ աշխատանքների արդյունքում, 2003թ. նոյեմբերի 7-ին Հայաստանի Հանրապետությունն անդամակցեց SSՀՄ-ին (դառնալով այդ ստանդարտին անդամագրվող 54-րդ երկիրը), կատարելով կարևոր քայլ՝ ուղղված երկրի վիճակագրական համակարգի համապատասխանեցմանը վիճակագրության ոլորտում միջազգային կարևոր ստանդարտներից մեկին:

SSՀՄ-ն պարունակում է մշտական պահպանման խիստ պահանջներ, ինչի վերաբերյալ տեղեկատվությունը հրապարակայնորեն առկա է ԱՄՀ Ստանդարտների տարածման տեղեկագրում՝ <http://dsbb.imf.org/Pages/SDDS/Home.aspx> : Ստանդարտների տարածման տեղեկագիրը ներկայումս ներառում է համապարփակ փաստաթղթեր (մեթատվյալներ, ինչպես նաև դրանց համառոտ մեթոդաբանությունը) SSՀՄ տվյալների կատեգորիաների մասով Հայաստանի Հանրապետության վիճակագրական փորձառության վերաբերյալ, որը վկայակոչում է ՀՀ ԱՎԾ կողմից վարվող Ազգային ամփոփ տվյալների էջում ներառված երկրի արդիական տվյալները՝ <http://docs.armstat.am/nsdp/> : Մեթատվյալները զետեղված են նաև ՀՀ ԱՎԾ պաշտոնական կայքէջի «Դասակարգիչներ և մեթոդաբանություն» բաժնի «Մեթատվյալներ» ենթաբաժնում:

SSՀՄ-ն ներառում է 22 խումբ ցուցանիշներ, որոնք ընդգրկված են իրական, դրամավարկային, ֆինանսական, արտաքին և սոցիալ-ժողովրդագրական հատվածներում: Այդ ցուցանիշների արդիականացումը իրականացվում է ամսական և եռամսյակային, իսկ մեթատվյալների և դրանց համառոտ մեթոդաբանության արդիականացումը՝ առնվազն տարեկան կտրվածքով: Տվյալների արդիականացման ժամկետները ներկայացված են ՀՀ ԱՎԾ կողմից վարվող նախապես տարածման օրացույցի էջում՝ <http://docs.armstat.am/nsdp/arc/> :

2009թ. փետրվարի 10-ին ԱՄՀ պաշտոնական կայքէջում (<http://www.imf.org/external/NP/rosc/rosc.aspx>) զետեղվել է Հայաստանի վերաբերյալ ԱՄՀ Ստանդարտների և կողերի պահպանման զեկույցը, որը ներառում է տվյալների որակի գնահատման ձևաչափի օգտագործմամբ մանրամասն գնահատումը: